

საჯარო სამართლის იურიდიული პირი -

ბათუმის შოთა რუსთაველის სახელმწიფო უნივერსიტეტი

ბრძანება N 01-08/118

ქ. ბათუმი

19 სექტემბერი 2018 წელი

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის პროფესიულ საგანმანათლებლო პროგრამებზე 2018 წლის საშემოდგომო მიღების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, ბსუ-ს წესდების მე-13 მუხლის, „სსიპ-ბათუმის შოთა რუსთაველის სახელმწიფო უნივერსიტეტისათვის პროფესიული საგანმანათლებლო პროგრამების განხორციელების უზღუდამოსილების მინიჭების შესახებ“ უმაღლესი საგანმანათლებლო დაწესებულების ავტორიზაციის საბჭოს 2018 წლის 27 აგვისტოს N57 გადაწყვეტილების, „პროფესიული განათლების შესახებ“ საქართველოს კანონის, „პროფესიული განათლების დაფინანსების წესისა და პირობების განსაზღვრისა და პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობის დამტკიცების თაობაზე“ საქართველოს მთავრობის 2013 წლის 19 სექტემბრის N244 დადგენილების, „პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის N152/ნ ბრძანების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს აკადემიური საბჭოს 2018 წლის 23 თებერვლის №30 დადგენილების, საქართველოს განათლების, მეცნიერების, კულტურისა და სპორტის მინისტრის 2018 წლის 14 სექტემბრის N190 ბრძანების, ბსუ-ს სასწავლო პროცესის დეპარტამენტის პროფესიული პროგრამების მართვის სამსახურის უფროსის 2018 წლის 19 სექტემბრის N1165277 სამსახურებრივი ბარათის საფუძველზე,

ვ ბ რ ძ ა ნ ე ბ ა:

1. გამოცხადდეს 2018 წლისათვის საშემოდგომო მიღება წინამდებარე ბრძანების N1 დანართით გათვალისწინებულ ბსუ-ს პროფესიულ საგანმანათლებლო პროგრამებზე.
2. ბსუ-ს პროფესიულ საგანმანათლებლო პროგრამებზე სწავლის მსურველთა რეგისტრაცია (პირადობის მოწმობის საფუძველზე) განხორციელდეს 2018 წლის 3 ოქტომბრიდან 19 ოქტომბრის ჩათვლით, 10 საათიდან 17 საათამდე, ბათუმის შოთა რუსთაველის სახელმწიფო უნივერსიტეტში (ქალაქი ბათუმი,

ნინოშვილის/რუსთაველის N35/32, მე-3 კორპუსში, ყოფილი საერთო საცხოვრებლის შენობა, მეოთხე სართულზე, ოთახი N404).

3. პროფესიულ საგანმანათლებლო პროგრამებზე სწავლის მსურველთა რეგისტრაცია ასევე შესაძლებელია 2018 წლის 3 ოქტომბრიდან 19 ოქტომბრის ჩათვლით განხორციელდეს ელექტრონულად, შემდეგ მისამართზე - <http://vet.emis.ge/>,

4. პროფესიულ საგანმანათლებლო პროგრამებზე დარეგისტრირებულ აპლიკანტთა პრეტესტი (იმიტირებული გამოცდა) ჩატარდეს 2018 წლის 3 ნოემბერს (პრეტესტის ჩატარების ადგილი მითითებული იქნება რეგისტრაციის შედეგად აღებულ საგამოცდო ბარათში).

5. პროფესიულ საგანმანათლებლო პროგრამებზე დარეგისტრირებულ აპლიკანტთა ტესტირება (გამოცდა) ჩატარდეს 2018 წლის 4 ნოემბერს (ტესტირების ჩატარების ადგილი მითითებული იქნება რეგისტრაციის შედეგად აღებულ საგამოცდო ბარათში).

6. აპლიკანტთა ტესტირების შედეგები გამოქვეყნდეს (პირადი ნომრების გარეშე) ბსუ-ს ვებგვერდზე 2018 წლის 6 ნოემბრიდან 10 ნოემბრის ჩათვლით (ამ ვადაში აპლიკანტი უფლებამოსილია შეცვალოს პროფესიული საგანმანათლებლო პროგრამის არჩევანი).

7. ბსუ-ს პროფესიულ საგანმანათლებლო პროგრამებზე ჩარიცხვის უფლებამოსილებულ აპლიკანტებმა 2018 წლის 18 ნოემბრიდან 22 ნოემბრის ჩათვლით (შაბათ-კვირის გარდა), ხელშეკრულების გაფორმებისა და პირადი საქმის გახსნის მიზნით ბათუმის შოთა რუსთაველის სახელმწიფო უნივერსიტეტის პროფესიული პროგრამების მართვის სამსახურში (ქალაქი ბათუმი, ნინოშვილის/რუსთაველის N35/32, მე-3 კორპუსში (ყოფილი საერთო საცხოვრებლის შენობა, მეოთხე სართულზე, ოთახი N404) უნდა წარმოადგინონ შემდეგი დოკუმენტაცია:

ა) განცხადება (თუ აპლიკანტი ქმედუუნაროა/შეზღუდულქმედუნარიანია, განცხადება უნდა წარმოადგინოს მშობელმა/კანონიერმა წარმომადგენელმა);

ბ) პირადობის დამადასტურებელი მოწმობის ასლი (ქმედუუნარო/შეზღუდულქმედუნარიანი პირის შემთხვევაში ასევე მშობელის/კანონიერმა წარმომადგენელის პირადობის მოწმობა და უფლებამოსილების დამადასტურებელი დოკუმენტი - პროგრამაზე ჩარიცხვის უფლებამოსილებული პირის დაბადების მოწმობა ან მეურვეობის დამადასტურებელი დოკუმენტი, რომელიც ადასტურებს განცხადების წარმოდგენაზე და ხელშეკრულების გაფორმებაზე უფლებამოსილებას);


გ) სრული ზოგადი განათლების მიღების დამადასტურებელი დოკუმენტის ასლი - დანართი 1-ის მე-2 და მე-3 გრაფებში მითითებული პროფესიული საგანმანათლებლო პროგრამებისათვის, ხოლო საბაზო განათლების მიღების დამადასტურებელი დოკუმენტის ასლი - დანართი 1-ის პირველ გრაფაში მითითებული პროფესიული საგანმანათლებლო პროგრამისათვის (პირმა, რომელმაც განათლება მიიღო უცხოეთში, უნდა წარმოადგინოს სსიპ - განათლების ხარისხის განვითარების ეროვნულ ცენტრის მიერ გაცემული დოკუმენტი - უცხოეთში გაცემული საგანმანათლებლო დოკუმენტის აღიარების შესახებ).

დ) ორი ფოტოსურათი 3X4-ზე;

ე) სამხედრო აღრიცხვაზე ყოფნის დამადასტურებელი დოკუმენტის ასლი (სამხედრო აღრიცხვას დაქვემდებარებული პირებისათვის).

8. პროფესიულ საგანმანათლებლო პროგრამებზე ჩარიცხვის შესახებ ბსუ-ს რექტორის ბრძანება გამოიცეს 2018 წლის 24 ნოემბერს, ჩარიცხვის უფლებამოსილებულ პირებთან შესაბამისი ხელშეკრულებების გაფორმების საფუძველზე.
9. ბსუ-ს პროფესიულ საგანმანათლებლო პროგრამებზე (დანართი 1) სასწავლო პროცესი დაიწყოს 2018 წლის 26 ნოემბერს.
10. ბსუ-ს სასწავლო პროცესის დეპარტამენტის პროფესიული პროგრამების მართვის სამსახურმა უზრუნველყოს წინამდებარე აპლიკანტთა რეგისტრაცია და ამასთან დაკავშირებით საქართველოს კანონმდებლობით განსაზღვრული მოთხოვნების შესრულება.
11. ბრძანება საჯარო გამოცხადების მიზნით გამოქვეყნდეს ბსუ-ს ფაკულტეტებსა და კანცელარიასთან არსებულ საინფორმაციო დაფებზე.
12. დაევალოს საინფორმაციო ტექნოლოგიების სამსახურს ამ ბრძანების ბსუ-ს ვებგვერდზე განთავსება.
13. დაევალოს საზოგადოებასთან ურთიერთობის სამსახურს ამ ბრძანების შესაბამისი განცხადების ბსუ-ს ვებგვერდზე განთავსება.
14. წინამდებარე ბრძანება აღსასრულებლად და სახელმძღვანელოდ დაეგზავნოს ბსუ-ს შესაბამის სტრუქტურულ ერთეულებს და ფაკულტეტებს.
15. ბრძანება ძალაშია ხელმოწერისთანავე.

რექტორი,
ასოცირებული პროფესორი



მერაბ ხალვაში

19 მსუ-ს რექტორის 2018 წლის
 სექტემბრის N... ბრძანების
 01-08/118 დასმართი 1.

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის პროფესიული
 საგანმანათლებლო პროგრამები, რომლებზეც 2018 წლისათვის ცხადდება სამემოდგომო მიღება

(სასწავლო პროცესის დაწყების თარიღი - 2018 წლის 26 ნოემბერი)

მსუ-ს ფაკულტეტი	პროფესიული საგანმანათლებლო პროგრამა	პროფესიული საგანმანათლებლო პროგრამის მოცულობა კრედიტებში		პროფესიული საგანმანათლებლო პროგრამის ხანგრძლივობა თვეების მიხედვით		ადგილების რაოდენობა	მათ შორის ადგილების რაოდენობა სპეციალური საგანმანათლებლო საჭიროების მქონე პირთათვის
		ქართულენოვანი სტუდენტებისათვის	არაქართულენოვანი სტუდენტებისათვის	ქართულენოვანი სტუდენტებისათვის	არაქართულენოვანი სტუდენტებისათვის		
1 ტექნოლოგიური	მეფუტკრე (III საფეხური, მოდულური)	76	91	12	14	15	2
2 ზუსტ მეცნიერებათა და განათლება	ბაგა-ბადის ადმინისტრაციის პედაგოგი (V საფეხური, მოდულური)	111	141	16	21	25	3
3 საბუნებისმეტყველო მეცნიერებათა და ჯანდაცვის	პრაქტიკოსი ექთანი (V საფეხური, მოდულური)	134	164	22	27	20	2
	სულ:					60	7